

## COMUNE DE PIAGHE

Provintzia de Tàtari  
Servitziu Sòtziu Assistenziale, Cultura, Istruzione, Isport e Ispetàculu  
[servizisociali@comune.ploaghe.ss.it](mailto:servizisociali@comune.ploaghe.ss.it)  
[servizisociali@pec.comune.ploaghe.ss.it](mailto:servizisociali@pec.comune.ploaghe.ss.it)

Avisu pùblicu

### Ogetu: Bursa de istùdiu Natzionale annu iscolàsticu 2022/2023

Si dat a ischire a sa tzitadinàntzia chi est possibile presentare istàntzia pro atzèdere a sa **bursa de istùdiu Natzionale** pro sos **istudiantes de sas iscolas segundàrias de segundu gradu**, istatales e paritàrias, pro s'annu iscolàsticu **2022/2023**

#### ***PRO PÒDERE ATZÈDERE A SA BURSA DE ISTÙDIU EST NETZESSÀRIU:***

- èssere iscritos e frequentare pro s' A.I. 2022/2023 in un'iscola segundària de segundu gradu de su sistema natzionale de istruzione (iscolas istatales e paritàrias).
- Apartènnere a famìlias sa cale s'Indicatore de sa Situazione Econòmica Ecuivalente **(I.S.E.E.) est in sa sòglia de 14.650,00 èuros**.
- Compilare su mòdulu - dimanda e allegare sa documentatzione chi s'ighit:
- fotocòpia de s'atestatzione de s'ISEE in cursu de valididade lassada cunforma a sa normativa previdida dae su DPCM n.159/2013;
- fotocòpia de su documentu de reconnoschimentu de chie faghet sa dimanda in cursu de valididade.
- Presentare sa dimanda in s'ufitziu protocollu de su Comune de Piaghe, o de la trasmitere pro mèdiu de mail a s'indiriztu [servizisociali@comune.ploaghe.ss.it](mailto:servizisociali@comune.ploaghe.ss.it) intro su 4 de **AUSTU 2023**. Sa dimanda podet èssere presentada dae su babbu o dae sa mama, dae su rapresentante legale de s'istudiante o dae s'istudiante matessi si est magiorene.

Su Comune at a trasmìtere s'elencu de sos istudiantes ammissibiles a sa Regione Sardigna, sa cale at a istilare una graduatòria ùnica regionale, redata in òrdine creschente de ISEE, reconnoschende, in casu de paridade de ISEE, sa pretzedèntzia a sos istudiantes pius giòvanos pro edade. S'elencu de sos istudiantes positzionados a manera ùtile in graduatòria, est a nàrrere sos beneficiàrios de sa bursa, at a èssere trasmitidu a su Ministèriu de s'Istruzione e de su Mèritu. S'erogatzione de sas bursas in favore de sos istudiantes beneficiàrios s'at a fàghere in sos tèrmines e in sas modalidades chi ant a èssere istabilidos dae su Ministèriu de s'Istruzione e de su Mèritu. S'importu de ogni bursa de istùdiu est determinadu in 200 èuros.